

# 1 Jon

## Jon mij ned ak ñu kil tikak

---

### God Minim Komiñ ak

**1** <sup>1</sup>Karip lim birarik ped okok ma gi lak ñin ak, Minim Komiñ ak midoligip. Pen ne ke kisen ñin aul nep apil minim agek, cin minim ne peyig niñil, nop udin niñil, ñinmagil li niñnok. Yad Minim Komiñ nibak nep agnig gebin. <sup>2</sup>Ne per per nep komiñ midoligip ak, mib goj lil miseñ owak ak, cin udin niñnok. Komiñ per midep Bi ak, Bapi eip midil karip lim wagin aul apil miseñ lak ak, nop udin cin ke niñil, minim niñid nibak nibep agobin. <sup>3</sup>Tap tari tari udin niñnok ak, minim tari tari peyig niñnok ak, nibep abe agobin. Cin Bapi God Ñi ne Jisas Kraiss apil mal eip jim ñil midobin. Pen nibep minim nibak agon, niñil niñ denigabim, cin magilsek God apil mal eip jim ñil midonigabin. <sup>4</sup>Nig genigabim ak, cin miñ miñ ginigabin. Gos ak niñil, nibep minim nibaul ñu kil tikobin.

### God ne Melik

<sup>5</sup>Jisas Kraiss cinop agek niñnok minim ak nibep agnig gebin. God ne melik; ne kislum sek ma mideb. <sup>6</sup>God eip jim ñil midobin, agnigabin ak, pen tap si tap timel gi damil, kislum siñak ajenigabin ak, minim tom agil, God Minim niñid ageb rek ma gipin. <sup>7</sup>Pen God melik tep per per mideb rek, cin melik tep ne pis ken midenigabin ak, cin ai mam Jisas nop niñ dipal okok eip jim ñil midon, Ñi ne Jisas lakañ ne ak tap si tap timel gipin gac ak magilsek lig gi yoknigab.

<sup>8</sup>Pen tap si tap timel ognap ma gipin, agnigabin ak, minim esek agnigabin; God Minim niñid nep ak midmagil nab cinop adañ ma mideb. <sup>9</sup>Pen cin tap si tap timel gipin ak, God nop ag piwak pe ginigabin ak, ne per per ageb rek nep gil, per per yipid gil nep gil gip rek, tap si tap timel gipin okok niñil kirig gil, gac nibak magilsek lig gi yok saknigab.

<sup>10</sup>Pen tap si tap timel ma gipin, agnigabin ak, God minim tom ageb, agnigabin; God Minim tep ne ak midmagil nab cinop adañ ma mideb.

**Krais cinop nen agil, ne ke Nap nop sobok gi ñak**

**2** <sup>1</sup>Ñi pai yad okok. Nibi tap si tap timel ma ginimib, agil, nibep minim nibaul ñu kil tikebin. Pen tap si tap timel genigabim ak, Jisas Krais per per yipid gil nep gip ak, ne cinop gi ñil Nap nop agil, tap si tap timel gipal ak niñil kirig ginimin, agip. <sup>2</sup>God ne tap si tap timel gipin okok niñil, cinop par ke okok yokpkop. Pen Jisas Krais ne ke tap si tap timel gipin okok mab bak alaṅ siṅak miḅ goṅ ar ne ke dil kimil, tap si tap timel gipin gac ak magilsek lig gi yokak. Pen tap si tap timel cin nep mer; bin bi karip lim tigoṅ tigoṅ magilsek tap si tap timel gipal gac ak lig gi yokak.

<sup>3</sup>God Minim ageb rek genigabin ak, cin niñid nep God nop nipin ak, niñnigabin. <sup>4</sup>Bi alap, God nop nipin, agnigab pen God ageb rek ma ginigab ak, ne minim tom agnigab; minim niñid ak midmagil nab ne adaj ma mideb. <sup>5-6</sup>Pen bin bi God Minim ageb rek gipal okok, kiri God nop midmagil yib lipal. God eip jim ñil midobin, apal, bin bi okok, Jisas goligip rek nep ginigal. Ne goligip rek ginigabin ak me, cin niñnigabin, God nab adaj midobin.

**Pen pen midmagil linimib**

<sup>7</sup>Bin bi midmagil yad okok. Minim ñu kil tikebin nibaul, minim kisen nib mer; minim birarik ped okok agel midoligip; minim ned nib nibak nep yad miñi nibep agebin. <sup>8</sup>Pen minim nibep ñu kil tikebin nibaul minim kisen nib mideb. Jisas Krais goligip ak niñil, minim kisen nib nibak minim niñid nep, apal. Pen kiri bin bi okok gipim ak abe niñil, kiri ak rek nep, minim kisen nib nibak minim niñid nep, apal. Kislim ak miñi bir kir geb; melik won niñid ak bir melik geb.

<sup>9</sup>Bin bi, melik midobin, agil, ai mam kiri ognap milik kal nipal okok, kiri kislim siṅak midebal.

<sup>10</sup>Pen bin bi ai mam kiri okok kirop midmagil lipal okok, melik midebal. Melik okok ajil, ap yap ma paknigal. <sup>11</sup>Bin bi ai mam kiri ognap milik kal nipal okok, kiri kislim siṅak midebal. Kiri kislim siṅak midel, udin kiri bir kwoi gip niñil kislim okok ajil, akal amebal ak ma nipal.

<sup>12</sup> Jisas Krais ne kimak ak me,

God tap si tap timel gipim ak niñil kirig gip.

Nibak, yad nibep ñi pai midmagil yad okok  
minim nibaul ñu kil tikebin.

<sup>13</sup> Nibi bi kib okok,

Jisas Krais birarik ped okok midil miñi mideb ak,  
nop bir nipim ak me,

yad nibep bi kib minim nibaul ñu kil tikebin.

Nibi bi praj okok,

Seten, Bi Timel Yib ak, nop  
 tob nibi mok okok bir lipim ak me,  
 yad nibep bi praj minim nibaul ñu kil tikebin.  
 Nibi ñi pai midmagil yad okok  
 Bapi nop bir nipim ak me,  
 yad nibep ñi pai midmagil yad  
 minim nibaul ñu kil tikebin.

14 Nibi bi kib okok,  
 Jisas Kraiss birarik ped okok midil miñi mideb ak,  
 nop bir nipim ak me,  
 yad nibep bi kib minim nibaul ñu kil tikebin.  
 Nibi bi praj okok,  
 God Minim komiñ ak  
 midmagil nab nibep adañ komiñ midek, nibi kilis gil,  
 Seten, Bi Timel Yib ak,  
 nop tob nibi mok okok bir lipim ak me,  
 yad nibep bi praj minim nibaul ñu kil tikebin.

#### **Tap lim dai ar wagin aul midmagil ma linimib**

15 Kraiss bin bi ne ma midebal okok, nag gipal ar ak gin, agil, gos ak ma niñnimib. Gos kiri tap lim dai ar wagin aul okok amil abab gek, tap okok midmagil linigabim ak, nibi Bapi nop gos ak kirig gil, nop midmagil ma linigabim. 16 Bin bi tap lim dai ar wagin aul gos nipal okok, miñ goñ cin tap si tap timel gos gip rek gin, agil, tap tari tari udin niñnigal okok, si din agil, tap okok koñai nep dil, yib kib din, agil, nipal rek gel amenigab. Bapi kirop gos ñek nig ma gipal; lim dai ar wagin aul tap okok gos niñil, nig gipal. 17 Karip lim wagin aul abe, tap tari tari karip lim ar wagin aul gos lip gip okok abe, kir ginigab; pen bin bi God ageb rek gipal okok per per nep midenigal.

#### **Kraiss nop milik kal niñep bi ak**

18 Ñi pai midmagil yad okok. Ñin kisen ak ulep mideb. Bi Kraiss nop milik kal niñep bi ak onigab, aglak, ak nipim. Miñi bin bi Kraiss nop milik kal nipal okok koñai midebal rek, ñin kisen ak ulep mideb ak, nipin.

19 Bin bi Kraiss nop milik yapek nipal nib okok, cin eip mogim gil, kisen kirig gil soñ ken amnilak; cin eip mogim gelak pen cin eip jim ñil ma mideligipal. Cin eip jim ñil mideblap ak, cinop kirig gil ke ke ma amblap. Pen soñ ken amnilak ak, bin bi yad miseñ nep niñnigal bi okok kirop eip jim ñil ma midebal, agil, God ne ke gek, kiri soñ ken amnilak.

20 Pen Kraiss, Kaun Siñ ag yokek nibep ar apil eip mideb rek, nibi magilsek God Minim niñid ak bir nipim. 21 Nibi Jisas Kraiss minim niñid ak ma nipim, agil, nibep minim aul ñu kil ma tikebin; nibi bir nipim. Pen Jisas Kraiss minim niñid ak, minim tom alap ma mideb.

22 “Jisas ne Mesaia mer,” agnigab bi nibak nep ne bi tom agep bi. Nig ginigab ak, ne Bapi abe, Ni abe mer agnigab. Bi nibak ne Kraiss Nop Milik Kal Niḡeb Bi nibak. 23 Bin bi Jisas ne God Ni mer apal okok, kiri Nap nop ma nipal. Pen bin bi Jisas ne God Ni ne mideb ag miseḡ gipal okok, kiri Nap nop abe nipal.

### **Kaun Siḡ nibep Kraiss minim niḡid ak ag niḡigab**

24 Minim ned peyig nipek ak, midmagil nab nibi adaḡ di tep gilig gi midenimib. Minim ned nipek ak, midmagil nab nibi adaḡ di tep gilig gi midenigabim ak, God Ni eip jim niḡ midil, God Bapi eip jim niḡ midil midenigabim. 25 Cinop minim niḡid ag lil agak, “Nibi per per nep komiḡ midenigabim,” agak.

26 Minim miḡi nep agebin aul, bin bi minim tom agil gos nibep lip gi dad amniḡ gebal okok gos niḡil agebin. 27 Bin bi okok nibep ma ag niḡimel. Kraiss ne Kaun Siḡ ag yokek nibep ar apil eip mideb rek, ne ke nibep ag niḡeb; pen ne minim tom mer, minim niḡid nep magilsek nibep ag niḡigab. Niḡ ak, God Kaun gos niḡ rek, Kraiss nop cig gil nep midenimib.

28 Ni pai midmagil yad okok. Kraiss nop cig gil nep midem me, ne adik gi oniḡab niḡ ak, nop niḡon nabiḡ ma ginigab; wisibil ak nep gil midoniḡabin. 29 Kraiss ne nag yipid gil ar ak nep gi tep gip nipim ak me, nibi ak rek nep nipim, bin bi nag yipid gil ar ak nep gipal okok, kiri God ni pai ne midil me, niḡ gipal.

### **God ni pai ne midobin ak niḡil, mid tep gin**

**3** 1 Bapi God cinop midmagil yib lil, cinop ni pai yad ke, agip ak, yad niḡil wal yib apin. Cin God ni pai ne nep midobin. Niḡ ak, bin bi karip lim ar waḡin aul nep gos nipal okok cinop ma nipal. Bapi nop ma nipal ak me, cinop ak rek nep ma nipal. 2 Bin bi niḡep tep yad okok. Miḡi cin God ni pai ne midobin pen kisen bin bi tigeḡ bi rek midoniḡabin ak ma nipin. Pen cin nipin, Jisas Kraiss ne miseḡ linigab niḡ ak, ne ke mideb rek ak uḡin niḡil, ne mideb rek lil midenigabim. 3 God cinop Kraiss rek linigab agil gos nipal bin bi okok, Kraiss siḡ mideb rek, cin ak rek nep siḡ midon, agil gos nipal.

4 Bin bi tap si tap timel gipal okok, kiri magilsek God lo minim tib jupal. Tap si tap timel gil me, God lo minim tib jupal. 5 Pen nibi nipim, Jisas Kraiss ne owak ak, cin bin bi lim dai ar waḡin aul tap si tap timel gipin gac ak lig gi yokniḡ owak. Ne ke tap si tap timel alap ma gip. 6 Niḡ ak, bin bi nop eip jim niḡ midebal okok, tap si tap timel ma gipal. Bin bi tap si tap timel gipal okok, Jisas Kraiss nop ma nipal; ne bi tigeḡ bi rek mideb ak ma nipal.

7 Ni pai midmagil tep yad okok. Niḡ tep ginimib! Bin bi ognap minim esek agil gos nibep lip gi di amniḡ gebal okok, minim esek kirop ak ma

niņ dinimib. Bin bi gi tep gipal okok kiri nep bin bi komiņ tep; Krais ne ke komiņ tep mideb rek, kiri ak rek nep bin bi komiņ tep midebal. <sup>8</sup>Pen bin bi tap si tap timel gipal okok, Seten ñi pai ne midebal; Seten birarik ped okok wagin gil, gi damil, tap si tap timel gip rek gipal. God Ñi ne karip lim wagin aul owak ak, Seten tap timel gip nag ak tib gi rik ginig owak. <sup>9</sup>Bin bi God ñi pai ne midebal okok, God yiņ kirop nab adaņ lak ak mideb ak me, tap si tap timel ma ginigal. God ne Nap kiri mideb, kiri God ñi pai ne midebal ak me, kiri tap si tap timel ginimel rek ma lip. <sup>10</sup>Ñib ak cin nipin, bin bi an an kiri God ñi pai ne midebal, bin bi an an kiri Seten ñi pai ne midebal; bin bi gi tep ma gipal okok, kiri God ñi pai ne ma midebal; bin bi ai mam okok kirop midmagil ma lipal okok, kiri ak rek nep God ñi pai ne ma midebal.

### **Nibi God ñi pai ne okok pen pen midmagil linimib**

<sup>11</sup>Cin pen pen midmagil lin. Minim nibaul birarik ped okok nep aglak nipim. <sup>12</sup>Adam ñi ne Ken gak rek ma ginimib. Ne Seten, Bi Timel Yib ak, ñi ne midil, nimam kisen nop ñag pak lak. Ne nimam nop ñag pak lak ak, tari ginig ñag pak lak? Ne ke gi timel gak pen nimam Ebol ne gi tep gak ak niņil nop ñag pak lak. <sup>13</sup>Ñib ak, ai mam yad okok. Bin bi lim dai ar wagin aul nibep milik kal niņenimel ak, wal ma agnimib.

<sup>14</sup>Cin Krais bin bi ai mam okok kirop midmagil lipin ak me, cin nipin, cin bin bi bir kimbak rek midonok ar ak kirig gil, komiņ kisen nib ak bir dipin. Bin bi midmagil ma lipal okok, kiri bin bi bir kimbak rek midebal. <sup>15</sup>Bin bi an an bin bi ognap milik kal nipal okok, kiri kirop cip ñapal rek lip. Pen nibi nipim, bin bi cip ñapal okok, kiri komiņ per midep won ak ma dipal.

<sup>16</sup>Krais cinop yimig niņil kimak ak me, cin titi gil ai mam cin midmagil linigabin ak bir nipin. Cin ak rek nep, ai mam cin okok kirop niņid yib midmagil lil, kilis gil, kirop gi tep gin; nig gil kimnigabin ak, minim ma mideb. <sup>17</sup>Bin bi tap koņai midek niņlig gi, ai mam tap ma mideb okok kirop niņil yimig ma niņnigal ak, kiri God nop midmagil ma lipal. <sup>18</sup>Ñib ak, ñi pai midmagil yad okok. Ai mam okok midmagil lipin, agnigabin ak, minim nep ma agin; kirop niņid nep midmagil lil, kilis gil, kirop di tep gil, gi tep gin. Nig genigabin ak, cin ai mam okok midmagil lipin, agnigabin.

### **Bin bi God nop cig gipal okok mib wisibil ak nep midebal**

<sup>19-20</sup>Ai mam kirop midmagil lil, kirop gi tep genigabin ak me, cin niņnigabin, Krais minim niņid ne ak niņ dipin. Ñib ak, gos won cin ke nab adaņ cinop minim kib agnigab ak pen God uđin yirik ar ne ak cin miñ miñ gilig gi kapkap midenigabin. Gos won cin nab adaņ ak sain, pen God ne kilis yib. Ne gos won cin magilsek niņ tep gip. <sup>21</sup>Ñib ak, bin

bi niņep tep yad okok. Gos won cin ke nab adaņ cinop minim kib ma agnigab ak, gos sek midil, God mideb siņak ulep amil, udin yirik ar ne ak siskol ma dinigabin. <sup>22</sup>God minim kilis agip rek gil, tap tari tari nop tep ginigab ak gilig gi damil, nop ag niņenigabin ak, agnigabin rek ginigab. <sup>23</sup>God minim kilis agil nib agip: cin Ñi ne Jisas Kraiș nop niņ dil, ai mam okok pen pen midmagil lin. God cinop minim kilis agil, nig ginimib, agip. <sup>24</sup>Bin bi God minim kilis agil agip rek nep gipal okok, kiri God nab adaņ midebal; ne kirop nab adaņ mideb. God ne Kaun cinop ñib ak me, cin nipin, God ne cinop nab adaņ mideb.

#### God Kaun aka tap ke alap kirop gos ñib

**4** <sup>1</sup>Ñibemmam tep yad okok. Bin bi God Minim tom ag tagebal okok koņai midebal ak me, bin bi ognap God Kaun eip jim ñil midobin, agenimel ak, niņ tep gil, minim kirop ak niņ dinimib. God Kaun aka tap ognap ke kirop gos ñek agebal, agil, niņnimib. <sup>2</sup>God Kaun kaun kiri eip jim ñil mideb ma mideb ak, titi gil niņnigabim? Jisas Kraiș ne bi mib goņ lil, karip lim wagin aul owak, agenigal ak, God Kaun kiri eip mideb ak, agil niņnigabim. <sup>3</sup>Pen Jisas Kraiș ne God ker ma owak, agenigal ak, God Kaun kiri eip ma mideb, agil niņnigabim. Jisas Kraiș Nop Milik Kal Niņeb Bi nibak, kaun ne kirop nab adaņ mideb rek, minim nibak rek agnigal. Kaun timel nibak onigab, agel peyig nipim. Pen miņi ñin aul nep karip lim wagin aul bir owip.

<sup>4</sup>Ñi pai midmagil yad okok. God ne nibep nab adaņ mideb; ne Bi kilis yib. Pen Seten ne bin bi karip lim ar wagin aul midebal okok kirop nab adaņ mideb; ne bi kilis yib mer. God Bi kilis yib ak, ne nibep nab adaņ mideb ak me, bin bi minim tom apal okok gos nibep lip gi dad amnimel rek ma lip. <sup>5</sup>Bin bi minim tom apal okok, kiri karip lim wagin aul nib ak me, minim apal ak, ak rek nep karip lim wagin aul nib. Minim apal ak karip lim wagin aul nib ak me, bin bi karip lim wagin aul nib okok minim tom kiri apal niņ dipal. <sup>6</sup>Pen cin God ñi pai ne midobin. Bin bi God nop niņ dipal okok, minim cinop niņ dipal. Pen bin bi God nop ma niņ dipal okok, minim cinop ma niņ dipal. Ar nibak, Kaun niņid nep kirop gos ñek agebal aka kaun esek alap gos ñek agebal ak, niņnigabin.

#### God cinop midmagil yib lip

<sup>7</sup>Bin bi midmagil yad okok. Ai mam okok pen pen midmagil lin. God ne gek me, bin bi midmagil lipal. Bin bi an an, bin bi okok kirop midmagil lipal okok, kiri God ñi pai ne midil God nop nipal ak me, bin bi okok midmagil lipal. <sup>8</sup>God ne bin bi kirop midmagil lip ak me, bin bi an an, bin bi okok kirop midmagil ma lipal okok, kiri God nop ma nipal. <sup>9</sup>God Ñi ne nokim yib ak ag yokek apil gek, cin bin bi karip lim ar wagin aul midobin per per nep komiņ midojin rek lip. Nib ak, God cinop

midmagil yib lip ak, miseŋ nipin. <sup>10</sup>Cin God nop midmagil ma linok; God ne ned cinop midmagil lak. God ne tap si tap timel gipin okok niŋil, cinop par ke okok yokpkop. Pen ne cinop midmagil lil, Ñi ne Jisas Kraiss ag yokek apil, tap si tap timel gipin okok, mab bak alaŋ siŋak miŋ goŋ ar ne ke dil kimil, tap si tap timel gipin gac ak lig gi yokak.

<sup>11</sup>Ñibemmam tep yad okok. God ne nig gil, cinop midmagil yib lip rek, cin ak rek nep ai mam okok pen pen midmagil lin. <sup>12</sup>Bin bi nokim alap God nop uŋin ma niŋip; pen cin ai mam okok pen pen midmagil lenigabin ak, God ne cinop nab adaŋ midenigab. Ne cinop nab adaŋ midenigab ak me, ne bin bi okok midmagil yib lip rek, cin ak rek nep bin bi okok midmagil yib linigabin. <sup>13</sup>Cinop Kaun ne ke ag yokek apil cinop nab adaŋ mideb ak me, cin God nab adaŋ midobin, ne cinop nab adaŋ mideb ak, niŋ tep gipin. <sup>14</sup>Bapi God Ñi ne bin bi kirop di komiŋ yoknimiŋ, agil, ag yokak ak, cin uŋin cin ke niŋil, bin bi okok kirop ag ñibin. <sup>15</sup>Bin bi, Jisas ne God Ñi ne yib mideb, agil miseŋ apal okok, God kirop nab adaŋ mideb; kiri God nab adaŋ midebal. <sup>16</sup>Nibak, God ne cinop midmagil yib lip ak niŋ dil, gos nibak niŋlig gi nep midobin.

God Bi midmagil lep. Bin bi midmagil lipal okok, God nab adaŋ midebal; God kirop nab adaŋ mideb. <sup>17</sup>Cin God eip jim ñil midenigabin ak, ne bin bi midmagil yib lip ak rek, cin ak rek nep bin bi midmagil yib linigabin. Nib ak me, God miniŋ kib agnigab ñin ak, jel gek ma piriknigabin; wisibil ak nep gil midonigabin. <sup>18</sup>God cinop midmagil yib lip ak me, cin pirikjin rek ma lip. Cinop pen ñil yur ñinigal, agnigabin ak me, jel gek piriknigabin. Nibak, bin bi pirikpal okok, God cinop midmagil yib lip, agil, ma nipal.

<sup>19</sup>God ne ke ned cinop midmagil lak ak me, kisen cin nop midmagil lipin. <sup>20</sup>Bin bi God nop midmagil lipin, apal ak, pen ai mam okok kirop miŋlik kal nipal ak, esek nep apal. Bin bi kirop miseŋ nipal okok kirop midmagil ma lenigal ak, kiri titi gil, God Bi miseŋ ma nipal ak nop midmagil linigal? <sup>21</sup>God miniŋ kilis agil agak, “Bin bi yip midmagil lipal okok, ninai nimam kiri okok ak rek nep midmagil linimel,” agak.

### God Ñi ne nop niŋ dep won ak

**5** <sup>1</sup>Bin bi, Jisas ne Kraiss, agil niŋ dipal okok, kiri magilsek God ñi pai ne midebal. Pen bin bi nap midmagil lipal okok, ñi ne ak rek nep midmagil lipal. <sup>2</sup>God nop midmagil lil, ne miniŋ kilis agil nig ginimiŋ agip rek nep ginigabin ak, cin niŋnigabin, God ñi pai ne okok kirop midmagil lipin.

<sup>3</sup>God miniŋ kilis agil nig ginimiŋ agip rek nep ginigabin ak me, cin God nop midmagil linigabin. God miniŋ kilis ne agip niŋ okok, miŋker ma gip. <sup>4</sup>Tari ginig: God cinop dek, ñi pai ne midobin ak me, bin bi yokop okok nag gipal ar ak, gos cinop lip gi dad amnimel rek ma lip.

Jisas ne Kraiss agil niŋ dipin ak me, bin bi yokop okok nag gipal ar ak, gos cinop lip gi dad amnimel rek ma lip. <sup>5</sup>Bin bi, Jisas ne God Ñi ne yib, agil, niŋ dipal okok nep, bin bi God Minim ma nipal okok nag gipal ar ak, gos kirop lip gi dad amnimel rek ma lip.

### Jisas God Ñi ne yib

<sup>6</sup>Jisas Kraiss owak ak, bi yokop ma owak. Ne ñig pakak; kisen lakañ ne yapek kimak. Ñig nep pakek, God Ñi ne ak, agil, ma apin; ñig pakil kisen lakañ ne yapek kimak ak me, God Ñi ne mideb ak nipin. God Kaun ne ak, ak rek nep cinop gos ñek nipin, Jisas God Ñi ne yib ak mideb. Tari ginig: God Kaun per per minim niŋid nep agip. <sup>7</sup>Ñib ak, minim ar omal nokim mideb: <sup>8</sup>Kaun ak; ñig ak; lakañ ak.

Minim omal nokim nibak, jim ñil ar nokim agip rek, Jisas ne God Ñi ne mideb ak, niŋ tep gipin. <sup>9</sup>Bin bi okok minim agnigal ak, minim kirop niŋ dinigabin; pen God minim agip nibak, minim nibak minim niŋid yib, agil, kasek nep niŋ din. Tari ginig: God ne Ñi ne ak minim nibak ag miseŋ lak.

<sup>10</sup>Bin bi Jisas ne God Ñi ne yib, agil, niŋ dipal okok, God minim niŋid ne ak kirop nab adaŋ midek, kiri God Ñi ne niŋ dipal. Pen bin bi Jisas ne God Ñi ne ma niŋ dipal okok, God ne bi esek agep bi, apal. Tari ginig: God ne ke Ñi ne minim niŋid agip ak ma niŋ dipal. <sup>11</sup>Minim niŋid ak niŋ gil mideb: God ne komiŋ per midep magil ak cinop ñib; komiŋ per midep magil ak Ñi ne eip mideb. <sup>12</sup>God Ñi ne kirop eip mideb bin bi okok, per per komiŋ midep magil ak bir dipal; pen God Ñi ne kirop eip ma mideb bin bi okok, per per komiŋ midep magil ak ma dipal.

### Jisas Kraiss nop niŋ dipim ak me, God ñi pai ne midebim

<sup>13</sup>Nibi Jisas ne God Ñi ne ak agil gos nipim bin bi okok, per per midenigabim ak niŋ tep ginimib, agil, yad minim nibaul nibep ñu kil tikebin.

<sup>14</sup>Cin nipin, God nop amil nop tep ginigab ar ak nep ag niŋenigabin ak, ne niŋnigab. <sup>15</sup>Ñibak, cin nipin, tap tari tari ag niŋenigabin, agnigabin rek nep ginigab.

<sup>16</sup>Pen ai mam alap, tap si tap timel mab ke eyaŋ ma ameb rek ak genigab ak, nibi God nop sobok gem, God ne ai mam nibak komiŋ midep magil ak kauyaŋ ñinigab. Pen ai mam alap, tap si tap timel mab ke eyaŋ ameb rek ak genigab ak, nibi God nop sobok ginimib, agil, ma agebin. <sup>17</sup>God tap tari tari mer agip okok genigal ak, tap si tap timel ginigal, pen tap si tap timel ar ognap genigal, God niŋil kirig ginigab.

<sup>18</sup>Cin nipin, bin bi God ñi pai ne midebal okok, tap si tap timel ma ginigal; God Ñi ne kirop kod midek, Seten kirop gi timel ginimiŋ rek ma lip.



<sup>19</sup>Cin nipin, cin God ñi pai ne midobin; pen bin bi karip lim ar wagin aul gos nipal okok mağilsek Seten ñinmagil ar ne midebal.

<sup>20</sup>Cin nipin, God Ñi ne apil gos tep cinop ñek, God per yipid gil agip ak nop niñnigabin. Ñi ne Jisas Krais eip jim ñil midobin ak me, Nap God Bi yipid gil ak eip jim ñil midobin. Jisas Krais ne God yipid gil ak me. Ne komiñ per mideb Bi ak.

<sup>21</sup>Ñi pai midmagil yad okok. God cin, agil, tap tom sobok gipal tap okok, nibi asik mosik ginimib.